

續修陝西省通志稿

第九十二冊

卷一百七十七

續修陝西通志稿卷一百七十七

紀事十一

平定回匪五

同治七年正月乙卯穆圖善奏九月二十八日有馬步賊七八百人竄距定遠縣三十餘里之周家井等處協領貴陞帶馬隊馳勦忽另匪由黃家沙窩衝出襲我軍後賊衆兵單傷斃官兵二十餘名十月初一日又有馬賊直撲城下副將趙廷烺督兵擊退駐防安邊寧條梁之營總托雲布薩斌圖各帶馬隊踵至會合出隊獲勝初二日至初四等日各軍進勦抵磚井迤東呂家圈遇馬步賊千餘列隊抗拒我軍迎勦斬擒甚衆該逆供稱僞大帥馬家莊拉拉王七十僞副帥郭繼廷均被官軍擊斃查定邊安邊花馬池等處爲甯夏官軍糧餉後路且東連歸綏西達甯夏一有疏虞關係

非小此次力挫凶鋒保全城堡惟餘逆現未遠颺自應乘機痛勦
又奏十月十一日突有回逆數萬直撲陝西寶雞縣是夜縣城失
守該匪於十五日退去現由隴汧一帶回巢奉諭前有旨令金順
挑選所部精騎並統率沿邊馬步各隊及胡世英各營尅期東征
該署將軍現統各軍不下二十餘營兵力較厚自當遵奉前旨先
將花馬池一帶董高二逆老巢攻克拔其根株再往延安所屬督
飭各營節節掃蕩以保晉甘門戶並著庫克吉泰喬松年劉典調
派陝軍與金順聯絡會勦勿分畛域花馬池一帶距晉省包頭等
處不遠裕瑞桂成尤須加意防範毋令該匪闌入邊境

新修寶雞縣志同治

六年十月回匪忽從北至十一日縣城失守知縣崔淦典史周淞

火紳署寶篆城渭市荒涼移駐西門外玉潤堡十七年春回攻玉潤堡境危

稍在頓刻適李軍門輝武收隊休兵漸次掃出望見賊氛鼓譟民招徠

然已十室九空矣按縣志所詳丁巳左宗棠等奏本月初八日提

督譚玉龍道員黃鼎督兵進剿攻克窩店鎮附近西北塬回逆悉數退回老巢十四日又攻克裊裊山賊堡雷正綰亦於十二月初一日進拔鄧家堡慶陽糧路已通提督劉效忠亦於十八日解三水縣屬太峪鎮之圍並擒逆首馬阿渾斬之報聞 己巳穆圖善奏總兵胡世英會敦奇祥阿帶隊解磚井堡之圍追賊及安邊城東十餘里奮擊破之報聞 二月壬午庫克吉泰喬松年劉典奏提督劉厚基解榆林圍後督隊敗回逆於米脂之五甲坡斃逆首馬阿渾復有另股逆匪圍攻史店塬堡寨提督譚玉龍帶兵猝至逆衆解退提督高連陞駐紮中部探悉宜川洛川澄城郃陽四處交界之石堡曹店一帶有賊匪盤踞派兵迎剿疊有斬擒又奏寶雞縣城四處坍塌回逆即從城缺處竄入前任知縣崔淦殉難飭

委知縣黃傳紳往署暫以縣旁二里之西堡爲城十二月二十七日回匪復行闌入幸西堡無虞又據汧陽縣報此股回逆復由寶雞竄至汧陽夜間用雲梯攻城經團勇擊退業飭提督劉效忠臬司張岳齡馳往汧寶會同喻步蓮勦之報聞 是日劉典又奏陝甘兩省壤地毗連陝回不除甘省用兵不免跋前疐後尤可慮者回逆不時出擾此勦彼竄全以截我糧道爲計臣再四思維勦回必先擣其巢穴而欲自立於不敗之地必先儲備軍糧並防其斷我糧道陝省兵力單薄統領亦難得其人若任曠日持久餉源告竭後更不堪設想總督左宗棠深以爲慮曾奏調現駐漢中之貴州提督周達武率所部進駐隴州汧陽一帶旣顧陝省西路即保蜀省邊陲實爲兩全之道又前任廣東巡撫蔣益澧將兵之才遠勝於臣楚軍在陝各將領與餉事原委均所周知現在左宗棠督

軍入直回陝之期遲速未定請飭左宗棠令蔣益豐來陝接統各軍臣仍隨營幫辦得旨允之又是以喬松年病勢增劇准其開缺命劉典署理陝西巡撫 癸未庫克吉泰喬松年劉典奏回匪竄擾寶雞汧陽臣等派提督劉效忠等馳往勦辦該逆避兵而行一股由醴泉直至咸陽一股從岐山直至郿縣且有渡渭竄至省城左右者經臣庫克吉泰率領親軍登城轟擊並派副都統賽清阿等帶隊迎勦該逆憑據北塬意圖抗拒經我軍奮力追殺殲斃多名其竄至郿縣者適劉效忠行抵該縣與知縣高箕承會商渡渭進勦將盤踞各村悍賊殺斃百餘生擒二十餘名其竄至省城左近者經臣喬松年飭中軍參將彭體道等率隊出城追捕該逆望風退走復因同州富平尙覺空虛檄飭原駐韓城總兵李南華統帶三營移紮扼堵並調張岳齡一軍回顧省城臣劉典亦飛調

楚軍五營回省刻下劉厚基駐延榆等處專顧北山譚玉龍黃鼎等軍分紮邠州長武高連陞駐中部臣劉典駐紮耀州均係要隘未敢輕移惟有嚴飭各軍視賊所在盡力勦辦奉諭省城重地關係緊要劉典現駐耀州未能移動喬松年雖已開缺仍須將省防事宜妥慎籌辦以期周密喬松年奏請令庫克吉泰回省等語省城防兵較單著該將軍統帶所部即行回省與喬松年商辦城防俟防務稍鬆仍相機出省督勦 庚子庫克吉泰等奏總兵羅洪德於正月二十二日解水溝堡圍復撥勦餘逆敗之於杜陽又總兵蕭德經探聞永壽縣有回逆屯聚二十四日我軍進勦該逆西竄提督譚玉龍亦於二十四六等日敗賊於拜家河崔木鎮等處又言本年正月以來逆回由汧隴寶雞一帶竄近省城經各軍隨時擊退現在甘省饑民徧地依附回逆四處掠糧必須派遣勁兵

大舉深入攻克老巢數處方足以振軍威第因兵單餉絀不敢輕舉惟有飭令各軍分防要隘遇有回逆竄至即行痛勦以期隨地殲除報聞 是日庫克吉泰等又奏甯條梁地方上年收復後本有敦奇祥阿一軍在彼駐紮又經穆圖善調派總兵程興烈一軍協同防守正月初二日大股回逆竄至程興烈出隊獲勝初三日夜間該逆大隊衝入程興烈衆寡不敵被回逆攻入街心敦奇祥阿力戰不支即時殉難其時署寧夏將軍金順及總兵胡世英駐紮定邊聞警馳援該逆向榆林一帶竄走又據延榆綏道嵩壽已革延綏鎮總兵陶茂森稟稱該逆由甯條梁擾及懷遠總兵文星明帶隊往救行至波羅地方突遇悍回失利該總兵力戰陣亡十四日匪陷懷遠十五日竄至榆林城下直撲南關又分股向西東北三面環攻幸城中守禦嚴密連開大礮轟斃多名賊始稍卻該

鎮道選派精兵縋城而出奮力勦殺該逆向河西竄去又正月十八日回逆由榆林竄至神木縣之高家堡直撲縣城官民守兩晝夜不支二十日被賊攻陷城中文武殉難者甚多旋經參將糾合鄉民克復賊仍向榆林竄去已飭提督劉厚基迅往榆林痛加勦辦奉諭以肅州鎮總兵程興烈疏於防範命即革職陣亡之記名副都統敦奇祥阿總兵文星明均交部議卹並令金順會同胡世英迅將甯條梁鎮收復繞赴東路迎頭截擊

年關正思危錄同治七

十八營攻陷寧條梁總兵程興烈逃守安邊兵勇脫出者百餘

民二十餘萬甚為慘傷而懷遠縣亦回於十一日被同鎮逆攻陷縣營

參將明德貴守備賀天保把總陳邱等殉難士民遇害者萬餘明兵

知所終陣亡勇丁五百餘人武各員均赴木縣亦被逆攻陷縣令

寧楊振卿是戰賊力愈熾而十三日鎮羌堡亦被匪壘擾北山張殿魁尙

弱至戊辰之春則大股踵至延綏全屬蹂躪幾遍死傷之慘是
至數十萬人之多亦數百年來一大劫數故據思危錄書之

日綏遠城將軍德勒克多爾濟歸化副都統桂成奏探報甘省回
逆復陷甯條梁鎮榆林等處之匪紛紛向西南奔竄其前竄蒙古
遊牧之匪亦皆退回邊內復據探報回匪攻陷神木由府谷竄近
黃甫川麻池溝勢漸北犯草地東撲冰橋並有犯保德河曲托克
托城包頭鎮之說臣德勒克多爾濟與大同鎮總兵馬陞商酌偵
探匪蹤堵剿固守又言自甯靈回衆就撫後即有土匪潰勇勾結
滋擾推原其故各處難民無所安插老弱轉於溝壑强者迫而爲
匪兼之各營遊勇到處擄掠滋蔓難圖臣等愚昧之見務先以安
置流亡爲要請飭陝西督撫及帶兵大員如有收復地方百姓未
經歸業者無論回漢一體安插各營勇丁務令管隊營員稽查約
束如有因不得力裁撤者一律資遣回籍庶可弭亂未萌允之

甲辰先是署陝西巡撫劉典奏賊匪飄忽靡常此次竄近省城之賊經臣挑派各營分路夾擊正月十三日黃鼎自長武審店拔隊會攻立將三不通賊巢克復羅洪德敗賊於汧陽之羅峪溝劉厚基勦賊洛川獲勝劉效忠帶兵赴寶雞擊賊該逆蜂擁抗拒官兵整隊接仗該逆不支四散狂奔當將縣城克復至是奏稱回逆自退竄汧隴後不時糾集大股分竄鳳翔麟遊等境現檄高連陞劉端冕等分駐宜君鄜州黃鼎譚玉龍等軍仍駐邠州長武一帶臣暫駐三原以便相機調度貴州提督周達武已進駐鳳縣臣商令率全部移紮寶雞以厚兵力二月初四日據岐山縣知縣郭昌時報回逆又分股由鳳翔竄入該縣勞昌里槐莊當飭張岳齡督勇進勦該逆即逃初七日進抵鳳翔敗之於亢家河及鐵門尖其由勞昌里竄至吉兆坡之賊亦經總兵于奇泮擊敗至竄入甯條梁

之賊疊陷懷遠波羅鎮及神木一帶復回竄榆林西北兩路同時被擾惟有會同庫克吉泰激勵將士防勦兼施又奏辭署陝西巡撫奉諭陝省軍務方殷該署撫務須督率諸軍痛殲醜類以紓朝廷西顧之憂毋庸以巡撫責重難於勝任爲詞致滋貽誤 三月庚戌庫克吉泰奏二月十三日統軍馳回省城扼紮東關一切兵事容與署撫臣劉典逐件面商如須親往督勦立即相機出省報聞 壬子劉典奏道員黃鼎督馬步各隊破回匪大股於麟遊所屬之花花廟高洪寺等處提督高連陞帶兵迎擊賊匪於宜君縣境之何家莊大破之生擒賊酋馬阿渾僞大將軍禹方魁即行正法並奏該逆糧缺計窮意圖乘間內犯而甘肅金積堡之回不時撲犯甯條梁榆林一帶徧地賊氛時虞紛竄邠州鳳翔鄜州宜君等處防勦不可鬆勁若分兵北勦內患必深已函左宗棠迅籌一

枝勁旅由山西河保渡河西勦即保晉疆又易籌辦糧食又奏中部縣知縣葛夔報二月十四夜間回逆大股攻陷鄜州州城十七日提督劉端冕由中部洛川向鄜州進勦又道員黃鼎稟稱董志原回逆馬步七八千人於二十一日由涇河川什字道一帶向南分竄勢甚熾疾臣暫駐三原縣以資調度省防已函請西安將軍庫克吉泰兼爲照料奉諭現在陝省東西路均形喫緊左宗棠務將竄直捻匪迅速掃除以便移師回陝免致有所牽掣 乙卯庫克吉泰劉典奏劉端冕劉厚基兩軍於二月十八日會同克復鄜州回匪西竄署知州鄭壽齡不知下落又奏提督譚玉龍於十六日破賊於麟遊之白馬坊又破之於邠州之泰伯廟麟邠境內現無賊蹤崔三大股竄汧陽寶雞境已飭甘肅臬司張岳齡等率師勦之 辛酉德勒克多爾濟等奏逆匪久踞甯條梁爲巢穴而出

沒於榆林神木一帶復據探報回逆攻陷神木高家堡後分爲兩股一股在府谷境內一股回竄榆林神木聞該逆圖竄口外奉諭回逆久踞甯條梁擾及陝省榆林神木時出草地焚掠揆厥所由總因邊內東路防軍時有時無逆匪方得縱橫肆擾以逞其避實擊虛之計設竟任賊擾及歸綏一帶該將軍等自問當得何罪前諭金順迅赴甯條梁勦賊此時諒已進兵著即迅速攻克繞赴東路以保完區如甯條梁一時未能收復著穆圖善庫克吉泰劉興選派得力將弁駐紮東路先將竄踞府谷回匪勦滅鼓行而西與金順收夾擊之效 戊辰庫克吉泰劉興奏臬司張岳齡提督周達武李輝武等及總兵羅洪德敗賊於寇家河暨武家堡解汧陽城圍二十八日李輝武張岳齡等復敗之於縣頭鎮賈村原寶雞境內掃清而汧陽仍形喫緊二十九日各軍抵汧陽進至原北騎

賊來衝副將李獻厚用礮擊斃十餘人賊大敗走三十日劉效忠會張岳齡等分道西追該逆悉向靈臺竄去汧陽隴州寶雞已無賊蹤又奏甘肅合水回逆勾結土匪屢擾延長二月初七日竄至縣南知縣宋良等督團赴勦疊有斬擒二十七日該逆馬步四五十人擾宜川西北鄉二十八日直撲該城知縣余觀瑞督團堵禦該逆架雲梯猛攻因典史衙署被火延燒官兵赴救該逆乘機越城登者百餘人余觀瑞督勇猛擊連斃四十餘人餘賊乃越城而逃三十日提督劉端冕劉厚基等軍由鄜州趕抵宜川該逆正在附城擄掠經劉端冕等捕斬甚多賊向西竄劉端冕等追至鄜州賊奔甘肅老巢余觀瑞力守危城尙有膽識請革職留任責令趕辦團練布置城堡防守事宜得旨允之 是日劉典又奏鄜州克復後查得知州鄭壽齡尙無實在下落鄜州學正張湘等同時殉

難請予優卹允之 癸酉庫克吉泰劉典奏董志原回酋鄒阿渾
等率悍黨五萬餘人竄宜君之馬欄鎮分擾三水三原提督高連
陞率隊敗之於五溝口賊回踞馬欄初五日高連陞大隊進攻賊
從西門竄走遂克復馬欄鎮其另股犯三水之賊亦經州判喻兆
圭等敗之於職田鎮又敗之於石門關及土橋十二日賊回老巢
三水等處已無賊蹤報聞 是日庫克吉泰劉典又奏正月二十
六日賊由神木折回竄近榆林府城二十七日黎明乘霧猝撲北
城續股攻東西兩門均經延榆綏道嵩壽督團擊退據劉厚基報
榆林現無賊蹤現因賊勢趨重東南復檄該提督由宜川掃蕩暫
駐延安與駐鄜州之劉端冕相爲聯絡署延榆綏鎮總兵劉聲集
已抵榆林接印金順胡世英等駐定邊安邊距榆林較近自可聯
爲一氣又奏道員黃鼎於涇屬瓦雲驛陣擒回酋禹得彥據供願

函約回衆求撫臣等查董志原回逆以馮君幅馬政和張泗明崔
三余彥祿及現獲之禹得彥爲最強焚殺慘毒罪在不宥惟回族
良莠不齊其甘心爲亂者十祇二三茲禹得彥情急求撫可否允
其緘約回酋率衆歸順奉諭著察看情形如該逆心迹尙屬可靠
不妨予以自新令其函約回酋率衆歸順

平定關隴紀略七年二月

州河十五日辰刻城陷火光燭天知劉端冕派隊向鄜更進勦由洛川右宿路街

進陣抵該處天密已該明逆紛紛列陣前督拒隊以馬賊隊分刀路穩鈔尙無退結心成

歷戰約時萬餘支我向軍城豫得地勢端冕竭厚集進勦追以至開花城大之礮鐵箱以城洋賊

綏各鎗入賊屍積厚道賊馬由皆牛驚武鎮軍搜勦而賊來十敗返日奔將我至軍乘州勢有由

馬督賊數千衝攔截副將田斃玉廣千總人乘萬清盈迎路擊乘賊勢已將東門李小作北福

賊門目殺一入該殿後之城賊誅竄之立將鄜州克復兩軍分三路追勦斬紅千

餘名生擒五百餘名救出難民數千
四月辛巳穆圖善奏雷正